

Natürle all do Grofo zerst vorhächlat und vorschandlat.  
Ih hio am meisto gschimpft als Weort und boazt<sup>15)</sup> uf  
alla Sitta,  
hio gseit, bloß g'Grofo seiod schuld a deana schleacha Zitta.

*Babol* (ruft zum kleinen Hüttenfenster heraus):  
Hai, Zuonno-Machar, wit eotz nid a bitzle eabbas z'nüne<sup>16)</sup>?

*Korbmacher:*

Ih hio scho gnuo, woast, wenn de sioh, züch Kürbso  
trostle ine<sup>17)</sup>!  
(weiter zu Rosa)

Woast, Babol tuot mor eotz a Sach und luogat uf-o  
Blundor<sup>18)</sup>.

*Rosa:*

Arzell mor wittor, hai, doch ou, as niomt me schützle  
wundor.

*Korbmacher* (fährt fort):  
Wi all Johr a Margreto-Tag<sup>19)</sup>, bim Stoarcho-Schloß,  
bim alto,  
dött heat do Grof denn allomol si Zehot-Fästle g'halto,  
di böso Mülor händ an Fliß und schwätzod as wi d'Staro...  
am gliche Tag heat no do Grof das hiondorst Woart  
arfahro.

Do Grof heat gfluochat i simm Wuot und Jück gno, wi a  
Krotto  
und glai dom ganco Buro-Volk mi Weortshus denn  
vorbotto . . .  
Und mit do Buro-n-ist do Grof vom Tag a strengor woaro,  
drom händ se mine Stiftarei<sup>20)</sup> vorfluochat und  
vorschwoarro . . .

Und wenn d' i d' Not kust, lot de gweß a jeda Nochbur  
hangen;  
heast no a bruchigs<sup>21)</sup> Wib dorzuo, so beost i Taifols  
Zanga . . .  
Do Grof heat mi om gär alls brocht . . . mi Wib ist mior  
vorloufo  
und 's Büoble heat do Gmuondsrot gno, woast Brose nach  
om Toufo.